

OTVORENO PISMO za spas i dignitet inženjerske struke u Bosni i Hercegovini

Neshvatajući značaj prostora i vremena ljudi iz neznanja rade nešto što nije dobro niti za ljude niti za prirodu. Po ovom principu ocjenjujem i ovo što radi Privredna komora FBiH, da organizuje da pomaže ljudima samo na jednom entitetu u BiH, po principu „...*bolje prvi u svom selu nego posljednji u gradu*....“

Kada ljudi Bosanci i Hercegovci posebno inženjerska struka osvajaju svjetove, nađe se privredna komora FBiH i njen predsjednik da svede inženjersku struku na jedan entitet u BiH.

Predsjednik privredne komore FBiH, poziva na Osnivačku skupštinu inženjerske komore FBiH....” *inženjere građevine, arhitekture, mašinstva, saobraćaja, elektrotehnike, IT, šumarstva, metalurgije, hemije, geologije, rudarstva, geodezije, poljoprivrede i prehrambene tehnologije te inženjere drugih profila..*“ i u pozivnom pismu govori ...” *Ideja o formiranju Inženjerske komore postoji duži vremenski period, te uvažavajući mišljenja mnogobrojnih inicijatora, posebno imajući u vidu da je inženjerska struka u BiH, neorganizovana i da poslovi u oblasti prostornog i urbanističkog planiranja, projektovanja, izgradnje objekata i drugih oblasti značajnih za planiranje i izgradnju, zaštite opštih i pojedinačnih interesa u obavljanju poslova u inženjerskim djelatnostima, nisu u cjelosti sistemski uređeni i postoje mnogi problemi sa kojima se inženjerska struka susreće. Da bi se na kvalitetan i uspješan način zastupala inženjerska struka, neophodno je organizovati se kroz instituciju koja ima legalitet i legitimitet zastupanja prema svim nivoima vlasti u BiH. Također, umrežavanje i saradnja na regionalnom nivou i korištenje iskustava i znanja za unapređenje inženjerske struke u BiH, su potrebni kako bi se inženjerska struka u BiH dovela u položaj kakav ima u svijetu....*“ i onda nakon ovakvog dobrog teksta i razmišljanja u pozivnom pismu osniva inženjersku komoru na entitetu FBiH.. što je u najmanju ruku kontradiktornoali valjda je po onoj gore navedenoj izreci... *bolje prvi u selu nego.....*“

I svi inženjeri koji pristanu na ovo biti će inženjeri entiteta FBiH i sve će im vrijediti samo na entitetu FBiH i ko se osjeća inženjerom entiteta FBiH treba pristupiti ovome a oni koji imaju malo šire poglede neka ne ide na ovo, i ne daju legitimitet u ime inženjera saobraćaja i komunikacija ovome.

Inženjersku komoru treba osnovati u okviru komore BiH, pa da makar inženjerska struka bude djelimično ista na prostoru BiH i kategorisana i licencirana na nivou Bosne i Hercegovine jer time inženjer dobija i legalitet kada izađe van BiH..

Molim sve članove Udruženje inženjera saobraćaja i komunikacije u Bosni i Hercegovine, svih inženjerskih profila koje uspješno radi već 15 godina i koje broji oko 600 verifikovanih članova da ne podrže ovakvo entitetsko komorsko inženjersko udruženje...

Osman Lindov, dipl.inž.saobr, predsjednik Udruženja inženjera saobraćaja i komunikacija u Bosni i Hercegovini